



სსიპ გარემოს ეროვნული სააგენტო

შენობის მშენებლობა ლაბორატორიებისთვის (CPV კოდი 45214610)
სახელმწიფო შესყიდვა

ელექტრონული ტენდერი

სატენდერო დოკუმენტაცია

ქ. თბილისი 2016 წ

სარჩევი

1. ინსტრუქცია ტენდერში მონაწილეთათვის	3
2. ტექნიკური დოკუმენტაცია	4
3. სახელმწიფო შესყიდვის შესახებ ხელშეკრულების პროექტი	6-10
4. დამატებითი ინფორმაცია	11
5. დანართი № 2 ტექნიკური დავალება	12-13
6. დანართი № 3 ინფორმაცია ანალოგიური სამუშაოების შესახებ	14
7. დანართი № 4 რეკვიზიტები	15
8. დანართი №5 საგარანტიო ვადები და პირობები	16

1. ინსტრუქცია ტენდერში მონაწილეთათვის

- 1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.
- 1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).
- 1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.6 პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-2 მუხლის პირველი პუნქტის „ქ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.
- 1.7 ელექტრონული გარანტიის მოქმედების ვადა უნდა განისაზღვროს: ელექტრონული ტენდერის შემთხვევაში – არანაკლებ 160 კალენდარული დღით ტენდერისათვის სტატუსის „წინადადების მიღება დაწყებულია“ მინიჭების თარიღის შემდეგ, ელექტრონული გარანტიის საბანკო პლასტიკური ბარათიდან გადახდის შემთხვევაში – შესაბამისი ტენდერისათვის საბოლოო სტატუსის მინიჭებამდე.
- 1.8 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. შემსყიდველის მიერ მოთხოვნიდან 5 (ხუთი) სამუშაო დღის განმავლობაში პრეტენდენტმა ფასწარმოქმნის ადეკვატურობის დასაბუთება უნდა განხორციელებდეს შესაბამისი აკრედიტაციის მქონე ორგანოს მიერ გაცემული ექსპერტიზის დასკვნით.
- 1.9 პრეტენდენტს არა აქვს უფლება წარმოადგინოს ალტერნატიული წინადადება.

2. შესყიდვების ტექნიკური დოკუმენტაცია

შესყიდვის ობიექტი: ქ.თბილისში, მარშალ გელოვანის გამზირი #6-ში „ატმოსფერული ჰაერის, წყლისა და ნიადაგის ანალიზის ლაბორატორიის მშენებლობა დანართი №1-ისა (ხარჯთაღრიცხვა) და დანართი #2-ის (ტექნიკური დავალება) შესაბამისად.

2.1 შესყიდვის საგარაუდო ღირებულება: 811944,00 (რვაას თერთმეტიათას ცხრაას ორმოცდაათხი) ლარი დღგ-ს ჩათვლით.

2.1.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა ხარჯისა და გადასახადის გათვალისწინებით.

2.1.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარებში.

2.2 ანგარიშსწორების პირობები:

2.2.1 ანგარიშსწორება მოხდება უნაღდო ანგარიშსწორებით ლარში.

2.2.2 წინასწარი ანგარიშსწორება განხორციელდება მიმწოდებლის მოთხოვნის შემთხვევაში არაუმეტეს სახელშეკრულებო ღირებულების **50%-სა**, შესაბამის თანხაზე მიმწოდებლის მიერ წარმოდგენილი საბანკო გარანტიის საფუძველზე (გაცემული საბანკო დაწესებულების მიერ, რომლის მოქმედების ვადაც ერთი თვით უნდა აღემატებოდეს სამუშაოების დასრულების ვადას).

2.2.3 მიმწოდებელთან ანგარიშსწორება შესაძლებელია განხორციელდეს ეტაპობრივად შემდეგი წესით:

I ეტაპი - მიმწოდებელთან ანგარიშსწორება განხორციელდება ფაქტიურად შესრულებულ სამუშაოებზე წარმოდგენილი ფორმა #2-ისა და საგადახდო დოკუმენტაციის წარმოდგენიდან 10 (ათი) სამუშაო დღეში, შესრულებული სამუშაოს ღირებულების 10%-ის დაკავებით, აგრეთვე ფაქტობრივი შესრულებიდან მოხდება ავანსის (ასეთის არესბობის შემთხვევაში) პროპორციული დაქვითვა საავანსო თანხის სრულად ამოწურვამდე;

II ეტაპი - პრეტენდენტთან ანგარიშსწორება მოხდება ექსპერტიზის დადებითი დასკვნის საფუძველზე მიღება-ჩაბარების აქტის გაფორმებიდან 10 (ათი) სამუშაო დღის ვადაში ფაქტიურად შესრულებული სამუშაოების დარჩენილი ნაწილი, სრული ღირებულების 2.5 %-ის დაქვითვით, რომელიც მიმწოდებელს აუნაზღაურდება საბოლოო მიღება-ჩაბარების აქტის გაფორმებიდან საგარანტიო ვადის ამოწურვის შემდეგ პრეტენდენტის მიერ წერილობითი მოთხოვნის საფუძველზე 10 (ათი) სამუშაო დღის ვადაში. აღნიშნული თანხა (2,5%) წარმოადგენს მიმწოდებლის მხრიდან შესრულებული სამუშაოების გარანტიის ფინანსურ უზრუნველყოფას და თუ მიმწოდებელი საგარანტიო პერიოდის განმავლობაში უარს განაცხადებს საგარანტიო პირობებით გათვალისწინებული ვალდებულებების შესრულებაზე, შესყიდველი უფლებამოსილია უარი თქვას საგარანტიო თანხის (2,5%) გადახდაზე.

2.3 პრეტენდენტის მიერ ერთიან ელექტრონულ სისტემაში ასატვირთი მონაცემები:

ა) ხარჯთაღრიცხვა დანართი №1-ის შესაბამისად, რომელიც წარმოდგენილი უნდა იყოს PDF და Excel-ის ფაილით (მათ შორის შეუსაბამობის შემთხვევაში უპირატესობა ენიჭება PDF ფაილს);

ბ) თანხმობა ტექნიკური დავალებაზე დანართი №2-ის შესაბამისად;

გ) სამუშაოების შესრულების გეგმა გრაფიკი;

დ) რეკვიზიტები დანართი №4-ის შესაბამისად;

ე) ინფორმაცია ანალოგიური სამუშაოების შესრულების (ანალოგიურ საქმიანობაში იგულისხმება პრეტენდენტის გამოცდილება მსგავსი ტიპის შენობის სამშენებლო-სარემონტო სამუშაოებში, რომელიც ითვალისწინებს როგორც საძირკველის მოწყობას, ასევე მსუბუქი ლითონკონსტრუქციების მოწყობასა (მ.შ. სენდვიჩ-პანელები) და შიდა სარემონტო სამუშაოებს). გამოცდილების შესახებ დანართი №3-ის შესაბამისად. პრეტენდენტს უნდა გააჩნდეს ანალოგიური სამუშაოების შესრულების გამოცდილება **2010-2015 წწ.** შესრულებული სამუშაოების ჯამური ღირებულება აღნიშნულ პერიოდში არ უნდა იყოს 4 500 000 (ოთხი მილიონ ხუთასი ათასი) ლარზე ნაკლები, მათ შორის ერთ-ერთი დასრულებული (მსგავსი ტიპის შენობა) ობიექტის საერთო სამშენებლო-სარემონტო ღირებულება უნდა შეადგენდეს არანაკლებ 500 000 (ხუთასათასი) ლარს. ანალოგიური გამოცდილების დასადასტურებლად

პრეტენდენტმა სატენდერო წინადადებასთან ერთად ერთიან ელექტრონულ სისტემაში უნდა ატვირთოს შესაბამისი ხელშეკრულებები და მიღება-ჩაბარების აქტები;

ვ) არანაკლებ 1 (ერთი) სარეკომენდაციო წერილი დამკვეთი ორგანიზაციისაგან მიმწოდებლის მიერ 2010-2015 წწ. დასრულებული ობიექტის საერთო სამშენებლო-სარემონტო სამუშაოების შესრულების შესახებ (მსგავსი ტიპის ერთი ობიექტის შესრულებული სამუშაოს ჯამური ღირებულება უნდა იყოს არანაკლებ 500 000 (ორასი ათასი) ლარისა).

ზ) ინფორმაცია განხორციელებული სამუშაოების საგარანტიო ვადებისა და პირობების შესახებ სატენდერო დოკუმენტაციის დანართით №5-ის შესაბამისად;

თ) ინფორმაცია სუბკონტრაქტორების შესახებ.

ი) იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, შემსყიდველ ორგანიზაციას უფლება აქვს გამარჯვებულ პრეტენდენტს მოსთხოვოს ხელშეკრულების შესრულების საბანკო გარანტია (გაცემული საბანკო დაწესებულების მიერ) 5%-დან 10%-მდე ოდენობით.

2.4 გამარჯვებულად გამოვლენილი პრეტენდენტის მიერ წარმოსადგენი საკვალიფიკაციო დოკუმენტაცია:

2.4.1 ტენდერში გამოყენებული იქნება ხელშეკრულების შესრულების უზრუნველყოფის საბანკო გარანტია (გაცემული საბანკო დაწესებულების მიერ) ხელშეკრულების ღირებულების 5%-ის ოდენობით თანხაზე, რომლის მოქმედების ვადაც 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

2.4.2 იურიდიული პირებისათვის:

ა) ცნობა ყადაღის არ არსებობის შესახებ;

ბ) ცნობა ლიკვიდაცია-რეორგანიზაციის შესახებ.

2.4.3 ფიზიკური პირებისათვის:

ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;

ბ) ცნობა სსიპ შემოსავლების სამსახურიდან ბიუჯეტის წინაშე დავალიანების არარსებობის შესახებ;

გ) პირადობის დამადასტურებელი დოკუმენტაციის ასლი

2.4.4 არარეზიდენტი იურიდიული პირის შემთხვევაში პრეტენდენტმა ან მისმა ფილიალმა დამატებით უნდა წარმოადგინოს თავისი ქვეყნის შესაბამისი უფლებამოსილი ორგანოდან გაცემული ცნობა (ცნობები), რომ არ ხორციელდება არარეზიდენტი პირის იურიდიული პირის (სათაო) რეორგანიზაცია ან ლიკვიდაცია, რომელიც (რომლებიც) დამოწმებული უნდა იყოს კანონმდებლობით დადგენილი წესით (ლეგალიზებული ან აპოსტილით დამოწმებული). აღნიშნული დოკუმენტაციას თან უნდა ერთვოდეს ნოტარიულად დამოწმებული ქართული თარგმანი.

შენიშვნა:

- ❖ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების გაცემის თარიღი არ უნდა უსწრებდეს სტატუსს „წინადადების მიღება დაწყებული“, ხოლო არარეზიდენტი პირების შემთხვევაში საკვალიფიკაციო მონაცემების დამადასტურებელი დოკუმენტები გაცემული უნდა იყოს - წინადადებების მიღების დაწყების დღემდე არაუგვიანეს 30 დღისა;

სახელმწიფო შესყიდვის დაფინანსების წყარო: სსიპ გარემოს ეროვნული სააგენტოს 2016 წლის საკუთარი სახსრები.

სახელმწიფო შესყიდვის შესახებ ხელშეკრულება

ქ.თბილისი

----- 2016 წელი

1. ხელშეკრულების დამდები მხარეები

ერთის მხრივ სსიპ „გარემოს ეროვნული სააგენტო“ (შემდგომში „შემსყიდველი“), წარმოდგენილი მისი უფროსის ----- სახით, და მეორეს მხრივ, ----- (შემდგომში „მიმწოდებელი“), წარმოდგენილი მისი ----- სახით, სახელმწიფო შესყიდვების შესახებ კანონისა და პრეტენდენტის სატენდერო წინადადების საფუძველზე, ელექტრონული ტენდერის შედეგების გათვალისწინებით, დებენ წინამდებარე ხელშეკრულებას შემდეგზე:

2. ხელშეკრულების საგანი

2.1 შემსყიდველმა ჩაატარა ელექტრონული ტენდერი (SPA-----) ----- (CPV -----) სახელმწიფო შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება და მიმწოდებელმა აიღო ვალდებულება, მიაწოდოს შემსყიდველს წინამდებარე ხელშეკრულებით განსაზღვრული შესყიდვის ობიექტი ---- (-----) ლარად დღგ-ს ჩათვლით.

2.2 ხელშეკრულებით გათვალისწინებული საქონლის ზუსტი აღწერა და რაოდენობა მოცემულია ხარჯთაღრიცხვასა (დანართი # 1) და ტექნიკურ დავალებაში (დანართი #2), რომელებიც წარმოადგენს ხელშეკრულების განიყოფელ ნაწილს.

3. ზოგადი დებულებანი:

3.1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს:

- ა) წინამდებარე ხელშეკრულება;
- ბ) ტექნიკური დავალება;
- გ) პრეტენდენტის მიერ წარმოდგენილი სატენდერო წინადადება და მასზე თანდართული ყველა სხვა საჭირო დოკუმენტი;
- დ) დაზუსტებული ან/და კორექტირებული სატენდერო წინადადება ან/და ფასების ცხრილი (ასეთის არსებობის შემთხვევაში);
- ე) საგარანტიო ვადები და პირობები;
- ვ) ხელშეკრულების ყველა სხვა დანართი ან/და მასში შემდგომში შეტანილი ნებისმიერი ცვლილება ან დამატება.

3.2. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას.

3.3. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

4. ხელშეკრულების ღირებულება

4.1. ხელშეკრულების ჯამური ღირებულება შეადგენს ----- (-----) ლარს დღგ-ს ჩათვლით.

4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

4.3. მიმწოდებელი პასუხს აგებს შესყიდვის ობიექტის მიწოდებასთან დაკავშირებული ყველა იმ გადასახადის, მოსაკრებლისა და სხვა გადასახდელების გადახდაზე, რომლებიც გადასახდელია საქართველოს კანონმდებლობით.

4.4. ხელშეკრულებაში განსაზღვრული ფასის გადასინჯვა დასაშვებია მხოლოდ საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ამასთანავე დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა.

4.5. ფასების გადასინჯვის შესახებ ხელშეკრულების ინიციატორმა მხარემ უნდა შეატყობინოს მეორე მხარეს წერილობით, რომელიც, თავის მხრივ, უფლებამოსილია, არ დაეთანხმოს აღნიშნულ ცვლილებას.

5. მხარეთა უფლება-მოვალეობები

5.1. მიმწოდებელი ვალდებულია:

5.1.1. უზრუნველყოს „შემსყიდველისათვის“ ხელშეკრულებით გათვალისწინებულ ვადებში და პირობებში სამუშაოების შესრულება.

5.1.2. დროულად განიხილოს ხელშეკრულების შესრულებასთან დაკავშირებული პრობლემები.

5.1.3. ხელშეკრულების მიმდინარეობის ნებისმიერ ეტაპზე, მიმწოდებელი ვალდებულია შემსყიდველის მოთხოვნის შემთხვევაში წარუდგინოს და შეუთანხმოს მას მშენებლობაზე გამოყენებული კონსტრუქციების, ნაკეთობებისა და მასალების ტექნიკური პასპორტები, სერტიფიკატები, ხარისხის დამადასტურებელი ლაბორატორიული შემოწმების შედეგები და სხვა დოკუმენტები. აღნიშნულთან დაკავშირებული ხარჯების გაწევა წარმოადგენს მიმწოდებლის ვალდებულებას.

5.1.4. სამუშაოების შესრულების პროცესში შემსყიდველის შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწევის გარეშე;

5.1.5. მიმწოდებელი უფლებამოსილია, მოითხოვოს ანგარიშსწორება ხელშეკრულებით გათვალისწინებული ვადებისა და პირობების შესაბამისად.

5.1.6. მიმწოდებელმა სამუშაოების განხორციელების პროცესში უნდა მიიღოს აუცილებელი ზომები ტექნიკური უსაფრთხოების და გარემოსდაცვის უზრუნველსაყოფად;

5.1.7. ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო მოედნებზე;

5.1.8. მიმწოდებელი ვალდებულია ხელი შეუწყოს შემსყიდველს, ტექნიკურ ზედამხედველს და საავტორო ზედამხედველს შემოწმების-ზედამხედველობის ჩატარების დროს.

5.1.9. მიმწოდებელი ობიექტზე სრულად დასრულებული სამუშაოების შემდეგ საკუთარი ხარჯით მიმართოს შესაბამისი აკრედიტაციის მქონე ორგანოს ექსპერტიზის დასკვნის ჩატარების მოთხოვნით.

5.2. შემსყიდველი ვალდებულია:

5.2.1. ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს გაწეული სამუშაოების ღირებულება და დაიცვას ხელშეკრულებით გათვალისწინებული ყველა პირობა.

5.2.2. ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;

5.2.3. შემსყიდველი ვალდებულია ოპერატიულად, სიტყვიერი ან/და წერილობითი სახით, აცნობოს მიმწოდებელს შემოწმების შედეგები დაწუნებული სამუშაოს მოცულობისა და წუნდების მიზეზის მითითებით. სამუშაოების შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

5.2.4. ხელშეკრულების მიმდინარეობის ნებისმიერ ეტაპზე განახორციელოს ინსპექტირება და ზედამხედველობა მიმწოდებლის მიერ ხელშეკრულების პირობების დაცვაზე;

5.2.5. განახორციელოს მიმდინარე/შესრულებული სამუშაოების ტექნიკური ზედამხედველობა და შეამოწმოს მათი შესაბამისობა საქართველოში მოქმედი სამშენებლო ნორმებისა და წესებში გათვალისწინებული ხარისხის კრიტერიუმების, ტექნიკური სპეციფიკაციების, მოქმედი სტანდარტების, სატენდერო დოკუმენტაციისა და მიმწოდებლის მიერ წარმოდგენილი სატენდერო წინადადების გათვალისწინებით;

5.2.6. ხელი მოაწეროს შესრულებული სამუშაოების მიღება-ჩაბარების აქტებს და მასთან დაკავშირებულ სხვა დოკუმენტაციას;

5.2.7. მიმწოდებლისაგან მოითხოვოს სამუშაოების წარმოებასთან დაკავშირებული დამატებითი ინფორმაცია და დოკუმენტაცია.

5.2.8. შემსყიდველი უფლებამოსილია, აწარმოოს შესასრულებელ სამუშაოებთან დაკავშირებული მიწოდებული პროდუქტის ხარისხისა და რაოდენობის კონტროლი;

5.2.9. უფლებამოსილია, განაცხადოს უარი უხარისხოდ შესრულებული სამუშაოს მიღებაზე.

6. ხელშეკრულების შესრულების კონტროლი

6.1. მიმწოდებლის მიერ ნაკისრი ვალდებულებების შესრულების მიზნით, ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს კონტროლი გამოყენებულ მასალაზე, მიწოდების ვადებსა და მოთხოვნილ პარამეტრებზე.

6.2. შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

6.3. შემსყიდველის მხრიდან ხელშეკრულებით გათვალისწინებულ ინსპექტირებას განახორციელებენ **სსიპ „გარემოს ეროვნული სააგენტო“-ს უფლებამოსილი პირების** ----- .

6.4. შემსყიდველის შესაბამისი წარმომადგენლები (წარმომადგენლები, მოწვეული ექსპერტი) უფლებამოსილნი არიან ჩაატარონ მიმწოდებლის ნაკისრი ვალდებულებების შესრულების, სამუშაოების საპროექტო დოკუმენტაციასთან და ხელშეკრულებით გათვალისწინებული ხარჯთაღრიცხვის მოთხოვნებთან შესაბამისობის კონტროლი და თუ აღმოჩნდება წუნით შესრულებული სამუშაო, მიმწოდებელი ვალდებულია შემსყიდველის წერილობითი შეტყობინებით დადგენილ გონივრულ ვადებში გამოასწოროს წუნი ან თუ მიმწოდებელი ვერ შეძლებს წუნის გამოსწორებას და შემსყიდველს გადახდილი აქვს ამ წუნდებული სამუშაოს ღირებულება, მიმწოდებელი ვალდებულია მოახდინოს წუნდებული სამუშაოს ღირებულების დაბრუნება.

7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიწოდება უნდა განხორციელდეს ხელშეკრულების გაფორმებიდან ---- (-----) ----- ვადაში.

7.2. შესყიდვის ობიექტის მიღება-ჩაბარების საფუძველს წარმოადგენს შუალედური/ საბოლოო მიღება-ჩაბარების აქტები, რომელზეც შემსყიდველის მხრიდან ხელშეკრულებით გათვალისწინებულ ხელმოწერ პირს წარმოადგენს **სსიპ „გარემოს ეროვნული სააგენტო“-ს** -----.

7.3. შუალედური/საბოლოო მიღება-ჩაბარების აქტის გაფორმების საფუძველს წარმოადგენს **1.** ფორმა #2, რომელიც დადასტურებული იქნება მიმწოდებლისა და შემსყიდველის მიერ განსაზღვრული ტექნიკური ზედამხედველის ხელმოწერით, **2.** ფარული სამუშაოების შესრულების აქტ(ებ)ი (ასეთის არსებობის შემთხვევაში) დადასტურებული შემსყიდველის წარმომადგენლის - ტექნიკური ზედამხედველის და მიმწოდებლის წარმომადგენლის ხელმოწერით, **3.** ტექნიკური ზედამხედველობის განმახორციელებელი პირის დადებითი დასკვნა და **4.** შემსყიდველის მიერ განსაზღვრული ინსპექტირების ჯგუფის დასკვნა. **5.** შესაბამისი აკრედიტაციის მქონე ორგანოს მიერ გაცემული საექსპერტო დასკვნა.

8. საგარანტიო პირობები

8.1. მიმწოდებელის მხრიდან, მის მიერ შესრულებულ სამუშაოებზე საბოლოო მიღება-ჩაბარების აქტის გაფორმებიდან ვრცელდება საგარანტიო ვადა დანართი #5-ის შესაბამისად, რომელიც უნდა იყოს პროექტისა და ხერჯთაღრიცხვის შესაბამისი, წინააღმდეგ შემთხვევაში იგი ვალდებულია, საკუთარი სახსრებით უზრუნველყოს აღმოჩენილი ნებისმიერი ხარვეზის (დეფექტის) აღმოფხვრა ან შეუსაბამობაში მოსული საქონლის შეცვლა ახლით.

8.2. საგარანტიო პერიოდში მიმწოდებელი ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა.

9. ანგარიშსწორება

9.1. ანგარიშსწორება განხორციელდება ეროვნულ ვალუტაში - ლარებში, უნაღდო წესით მიმწოდებლის საბანკო ანგარიშზე.

9.2. მიმწოდებელთან ანგარიშსწორება განხორციელდება ეტაპობრივად შემდეგი წესით:

I ეტაპი - მიმწოდებელთან ანგარიშსწორება განხორციელდება ფაქტიურად შესრულებულ სამუშაოებზე წარმოდგენილი ფორმა #2-ისა და საგადახდო დოკუმენტაციის წარმოდგენიდან 10 (ათი) სამუშაო დღეში, შესრულებული სამუშაოს ღირებულების 10%-ის დაკავებით, აგრეთვე ფაქტობრივი შესრულებიდან მოხდება ავანსის (ასეთის არსებობის შემთხვევაში) პროპორციული დაქვითვა საავანსო თანხის სრულად ამოწურვამდე;

II ეტაპი - პრეტენდენტთან ანგარიშსწორება მოხდება ექსპერტიზის დადებითი დასკვნის საფუძველზე მიღება-ჩაბარების აქტის გაფორმებიდან 10 (ათი) სამუშაო დღის ვადაში ფაქტიურად შესრულებული სამუშაოების დარჩენილი ნაწილი, სრული ღირებულების 2.5 %-ის დაქვითვით, რომელიც მიმწოდებელს აუნაზღაურდება საბოლოო მიღება-ჩაბარების აქტის გაფორმებიდან საგარანტიო ვადის ამოწურვის შემდეგ პრეტენდენტის მიერ წერილობითი მოთხოვნის საფუძველზე 10 (ათი) სამუშაო დღის ვადაში. აღნიშნული თანხა (2,5%) წარმოადგენს მიმწოდებლის მხრიდან შესრულებული სამუშაოების გარანტიის ფინანსურ უზრუნველყოფას და თუ მიმწოდებელი საგარანტიო პერიოდის

განმავლობაში უარს განაცხადებს საგარანტიო პირობებით გათვალისწინებული ვალდებულებების შესრულებაზე, შემსყიდველი უფლებამოსილია უარი თქვას საგარანტიო თანხის (2,5%) გადახდაზე.

9.3. მიმწოდებელთან ანგარიშსწორება მოხდება ეტაპობრივად, ფაქტობრივად შესრულებული სამუშაოების დეტალური მოცულობათი ცხრილის (ფორმა #2), მიღება-ჩაბარების აქტის, ინსპექტირების დასკვნისა და შესაბამისი საგადასახადო დოკუმენტაციის წარმოდგენიდან 10 (ათი) სამუშაო დღის ვადაში.

9.4. წინასწარი ანგარიშსწორება განხორციელდება მიმწოდებლის მოთხოვნის შემთხვევაში არაუმეტეს სახელშეკრულებო ღირებულების ----%-სა, ამავე თანხაზე მიმწოდებლის მიერ წარმოდგენილი საბანკო გარანტიის საფუძველზე (გაცემული საბანკო დაწესებულების მიერ, რომლის მოქმედების ვადაც ერთი თვით უნდა აღემატებოდეს სამუშაოს დასრულების ვადას)

9.4. სახელმწიფო შესყიდვის დაფინანსების წყარო: *სსიპ გარემოს ეროვნული სააგენტოს 2016 წლის საკუთარი სახსრები.*

10. ფორს-მაჟორი

10.1. ხელშეკრულების რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან ვალდებულებების შეუსრულებლობა არის ფორს-მაჟორული გარემოებების შედეგი;

10.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული მხარეების შეცდომასა და დაუდევრობასთან და რომელსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;

10.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. მხარეთა პასუხისმგებლობა ხელშეკრულების პირობების შეუსრულებლობისას

11.1. ფორს-მაჟორული გარემოებების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ გადაგადაცილებულ დღეზე ხელშეკრულების ღირებულების 0.1%-ის ოდენობით, რომლის გადახდა მოხდება მისთვის ასანაზღაურებელი თანხიდან გამოქვითვის საშუალებით ან მის მიერ ამ თანხის გადახდით შემსყიდველის წერილობითი მოთხოვნის მიღებიდან 5 (ხუთი) სამუშაო დღის განმავლობაში.

11.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს ცალმხრივად შეწყვიტოს ხელშეკრულება.

11.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

12. ხელშეკრულების შეწყვეტა მისი პირობების შეუსრულებლობა

შემსყიდველი უფლებამოსილია შეწყვიტოს ხელშეკრულება თუ:

12.1 მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია უზრუნველყოს საქონლის ან მისი ნაწილის მიწოდება;

12.2 მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

12.3 შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.4 მიმწოდებლის გაკოტრების შემთხვევაში;

12.5 საქართველოს კანონმდებლობით გათვალისწინებულ სხვა შემთხვევებში.

13. დავა და მათი გადაწყვეტის წესი

13.1. ხელშეკრულების შესრულებისას მხარეთა შორის წამოჭრილი ნებისმიერი დავა ან უთანხმოება შესაძლებელია, გადაწყდეს ორივე მხარის ერთობლივი მოლაპარაკების საფუძველზე.

13.2. ასეთი მოლაპარაკების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების მოქმედების ვადა

14.1. ხელშეკრულება ძალაში შედის მხარეთა მიერ მისი ხელმოწერის თარიღიდან და მოქმედებს 2017 წლის ----- ჩათვლით.

15. დასკვნითი დებულებანი

15.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

15.2. ხელშეკრულება შედგენილია ქართულ ენაზე თანაბარი იურიდიული ძალის მქონე სამ ეგზემპლარად, რომელთაგან ერთი ეგზემპლარი ინახება მიმწოდებელთან და ორი ეგზემპლარი - შემსყიდველთან.

15.3. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4. წინამდებარე ხელშეკრულების ნებისმიერი ცვლილება ან დამატება ძალაში შედის მხოლოდ მისი წერილობით გაფორმებისა და მხარეთა მიერ ხელმოწერის მომენტიდან.

16. მხარეთა რეკვიზიტები:

შემსყიდველი

მიმწოდებელი

დამატებითი ინფორმაცია

სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება “სახელმწიფო შესყიდვების შესახებ” საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 აპრილის “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” №9 ბრძანების შესაბამისად. ინსტრუქტაჟი შესაძლებელი ასევე იხილოთ <http://procurement.gov.ge/>

სატენდერო დოკუმენტაციასთან დაკავშირებული განმარტებებისა და დამატებითი ინფორმაციის გაცემაზე უფლებამოსილი პირი არის სატენდერო კომისიის აპარატის წევრი ეთერ ალთუნაშვილი საკონტაქტო ინფორმაცია: +995 577 505325 ელ.ფოსტა: e.altunashvii@nea.gov.ge.

სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურა: ტენდერისთვის „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „კ“ ქვეპუნქტით გათვალისწინებული სტატუსის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის – „კითხვა/პასუხის“ მეშვეობით მოითხოვოს სატენდერო განცხადებისა და სატენდერო დოკუმენტაციის დაზუსტება.

ტექნიკური დავალება

ქ.თბილისში, მარშალ გელოვანის გამზირი №6-ში სსიპ „გარემოს ეროვნული სააგენტოს“ ატმოსფერული ჰაერის, წყლისა და ნიადაგის ანალიზის ლაბორატორიის მშენებლობა

- I. შესასრულებელი სამუშაოთა დეტალური ჩამონათვალი მოცემულია სატენდერო დოკუმენტაციის დანართი №1-ში (ხარჯთაღრიცხვა), რომელიც განფასებული იქნება „ტექნიკური რეგლამენტის - „სამშენებლო სამუშაოების სახელმწიფო შესყიდვისას ზედნადები ხარჯების და გეგმიური მოგების განსაზღვრის წესის“ დამტკიცების შესახებ საქართველოს მთავრობის 2014 წლის 14 იანვრის N55 დადგენილების მოთხოვნათა სრული დაცვით.
- II. სამუშაოები შესრულებული უნდა იქნას თანდართული საპროექტო-სახარჯთაღრიცხვო დოკუმენტაციის შესაბამისად.
- III. სამუშაოს შესრულები პირობები და ვადები:
 - ❖ სამუშაოს შესრულების ვადა: სახელმწიფო შესყიდვების შესახებ ხელშეკრულების გაფორმებიდან 4 (ოთხი) კალენდარული თვის განმავლობაში.
 - ❖ მიმწოდებელი ვალდებულია სამუშაო შესრულოს გაწერილი გეგმა-გრაფიკის მიხედვით;
 - ❖ სამუშაოების დაწყებამდე საჭიროა მიმწოდებელმა მოახდინოს ტერიტორიის დაკვალვა (საკადასტრო წითელი ხაზის მიხედვით) მაღალი სიზუსტის გეოდეზიური ხელსაწყოების (GPS, Total Station) მეშვეობით, რის დამადასტურებლადაც საჭიროა წარმოადგინოს დაკვალვის დამადასტურებელი შესაბამისი აქტი (დედანი) ხელმოწერილი შესაბამისი სპეციალისტის/ორგანიზაციის მიერ.
 - ❖ მიმწოდებელი ვალდებულია ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;
 - ❖ სამუშაოების შესრულების პროცესში გამოყენებული მასალები და მოწყობილობები უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს.
 - ❖ სამუშაოების შესრულების პროცესში გამოსაყენებელი მასალების და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა და სხვა) თანხმდება შემსყიდველთან.
 - ❖ შესრულებული სამუშაოების მოცულობები დადგინდება შესაბამისი ლიცენზიის/აკრედიტაციის მქონე ექსპერტის მიერ მომზადებული შესაბამისი საექსპერტო დასკვნით. მიმწოდებელი ვალდებულია საკუთარი სახსრებით უზრუნველყოს შესაბამისი საექსპერტო დასკვნის ღირებულების ანაზღაურება;
 - ❖ სამუშაოს შესრულების პროცესში უზრუნველყოს ხარისხისა და სამუშაოების მიმდინარეობის ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი ასევე წერილობითი რეკომენდაციების და მითითებების შესრულება;
- IV. შესრულებული სამუშაოების მიღება-ჩაბარების წესი: შუალედური/საბოლოო მიღება-ჩაბარების აქტის გაფორმების საფუძველს წარმოადგენს შემდეგი დოკუმენტაცია:
 - ❖ ფორმა #2, რომელიც დადასტურებული იქნება მიმწოდებლისა და შემსყიდველის მიერ განსაზღვრული ტექნიკური ზედამხედველის ხელმოწერით;
 - ❖ ფარული სამუშაოების შესრულების აქტ(ებ)ი (ასეთის არსებობის შემთხვევაში) დადასტურებული შემსყიდველის წარმომადგენლის - ტექნიკური ზედამხედველის და მიმწოდებლის წარმომადგენლის ხელმოწერით;
 - ❖ ტექნიკური ზედამხედველობის განმახორციელებელი პირის/ორგანოს დადებითი დასკვნა;
 - ❖ შემსყიდველის მიერ განსაზღვრული ინსპექტირების ჯგუფის დასკვნა;
 - ❖ მიმწოდებელი ვალდებულია ექსპერტიზის დასკვნისთვის შესაბამისი აკრედიტაციის მქონე ორგანოში დოკუმენტაციის წარდგენის შესახებ ინფორმაცია მიაწოდოს შემსყიდველს წარდგენიდან არაუგვიანეს 2 სამუშაო დღისა, აღნიშნული უნდა დასტურდებოდეს შესაბამისი რეგისტრაციის ან/და სხვა დოკუმენტით;

- ❖ სამუშაოთა მიღება-ჩაბარება განხორციელდება მისი დამთავრების შემდეგ, მიღება-ჩაბარების აქტის გაფორმებისთვის საჭირო ყველა დოკუმენტაციის, ტექნიკური პირობებისა, მოქმედი სამშენებლო ნორმებითა და წესებით განსაზღვრული აქტების საფუძველზე.
- ❖ შემსყიდველის მხრიდან მიღება-ჩაბარების აქტზე ხელმოწერი უფლებამოსილი პირი განსაზღვრული იქნება ხელშეკრულების ხელმოწერის მომენტისათვის.
- ❖ შემსყიდველის მხრიდან ხელშეკრულების შესრულების უზრუნველყოფის მიზნით შექმნილი ინსპექტირების ჯგუფის შემადგენლობა და უფლებამოსილებები განსაზღვრული იქნება ხელშეკრულების ხელმოწერის მომენტისათვის.

V. საგარანტიო პირობები: შესრულებულ სამუშაოებზე, სამუშაოებისას გამოყენებულ სამშენებლო მასალებზე და დანადგარებზე შენობის ნორმალური ექსპლუატაციის პირობებში საბოლოო მიღება-ჩაბარების აქტის გაფორმებიდან უნდა ვრცელდებოდეს გარანტია:

1. **კონსტრუქციულ სამუშაოებზე** - არანაკლებ 3 (სამი) კალენდარული წლის ვადით;
2. **საინჟინრო სამუშაოებზე** - არანაკლებ 3 (სამი) კალენდარული წლის ვადით;
3. **შიდა სარემონტო სამუშაოებზე** - არანაკლებ 1 (ერთი) კალენდარული წლის ვადით.

ექსპლუატაციის ვადაში გამოვლენილ ნებისმიერ ხარვეზს (ნაკლი/დეფექტი), ასევე აღნიშნული სამუშაოების შესრულების პროცესში და საგარანტიო პერიოდში არახარისხოვნად შესრულებულ სამუშაოს შედეგად გამოვლენილ ნებისმიერ სხვა ზიანის აღმოფხვრას (შეკეთება ან/და შეცვლა ახლით) მიმწოდებელი საკუთარი სახსრებით უზრუნველყოს.

VI. სამუშაო ადგილის მომზადება, გარემოს დაცვა და უსაფრთხოება:

- ❖ შემსრულებელმა თვალსაჩინო ადგილას უნდა განათავსოს მინიმუმ 1 ცალი საინფორმაციო დაფა შემსყიდველის მიერ გადაცემული ესკიზის შესაბამისად.
- ❖ შემსრულებელი პასუხისმგებელია სამუშაოსათვის გამოყოფილი ადგილის გამოყენებაზე და სამუშაოს დასრულების შემდეგ გარემოს საჭირო და სათანადო აღდგენაზე;
- ❖ შემსრულებელი პასუხისმგებელია შეასრულოს სამუშაო უსაფრთხო და ეკოლოგიურად მისაღები გზით და ვალდებულია დაიცვას შემდეგი პირობები:
- ❖ მიმწოდებელი ვალდებულია უზრუნველყოს სამუშაო ადგილის ფარგლებში მდებარე ხეების და მცენარეები სიცოცხლის უნარიანობა;
- ❖ მინიმუმამდე დაიყვანოს მუშაობით გამოწვეული ხმაურის, ვიბრაციის და მტვერის გავლენა, სამუშაოების დასრულების შემდეგ შემსრულებელი თავისი ძალებით და სახსრებით 5 დღის განმავლობაში ვალდებულია გაათავისუფლოს სამუშაო ადგილი სამშენებლო მოწყობილობა-დანადგარებისაგან, მასალებისაგან, სამშენებლო ნარჩენებისაგან და ა.შ;
- ❖ მიმწოდებელი ვალდებულია უზრუნველყოს სარემონტო სამუშაოებში დასაქმებული პერსონალის შრომის უსაფრთხოება და აწარმოოს სამუშაოები აღნიშნული სამუშაოებისათვის გათვალისწინებული ნორმებისა და სტანდარტების დაცვით.
- ❖ მიმწოდებელი ვალდებულია სამუშაოები აწარმოოს ახალი სამშენებლო მასალებით, შემსყიდველის უფლებამოსილი პირის მოთხოვნის შემთხვევაში შემსყიდველს უნდა წარუდგინოს სამშენებლო მასალების ხარისხის და/ან წარმოშობის სერტიფიკატი, საჭიროების შემთხვევაში ნიმუში.

პრეტენდენტის ხელმოწერა -----

ბ.ა

/ხელმოწერის სახელი, გვარი/

ინფორმაცია ანალოგიური სამუშაოების შესახებ

N	დამკვეთის დასახელება	სამუშაოს დასახელება თითოეული ობიექტის მიხედვით	ხელშეკრულების ღირებულება	CMR ან SPA ნომერი	შესრულების პერიოდი	ფაქტიურად შესრულებული სამუშაოს ღირებულება	შენიშვნა
1	2	3	4	5	6	7	8
1							
2							
3							
...							

აუცილებელი პირობა:

პრეტენდენტს 2010-2015 წწ. უნდა გააჩნდეს ანალოგიური სახის სამუშაო გამოცდილება (ანალოგიურ საქმიანობაში იგულისხმება პრეტენდენტის გამოცდილება მსგავსი ტიპის შენობის სამშენებლო-სარემონტო სამუშაოებში, რომელიც ითვალისწინებს როგორც საძირკველის მოწყობას, ასევე მსუბუქი ლითონკონსტრუქციების მოწყობასა და შიდა სარემონტო სამუშაოებს), რომლის ჯამური ღირებულება არ უნდა იყოს 4 500 000 (ოთხი მილიონი ხუთასი ათასი) ლარზე ნაკლები, მათ შორის ერთ-ერთი დასრულებული (მსგავსი ტიპის შენობა) ობიექტის საერთო სამშენებლო-სარემონტო ღირებულება უნდა შეადგენდეს არანაკლებ 500 000 (ხუთასიათასი) ლარს. აღნიშნული ინფორმაციის დასადასტურებლად პრეტენდენტმა ერთიანი ელექტრონული სისტემის მეშვეობით უნდა წარმოადგინოს შესაბამისი ხელშეკრულებები და შუალედური/საბოლოო მიღება-ჩაბარების აქტები.

შენიშვნა: მე-5 სვეტი ივსება მხოლოდ იმ შემთხვევაში თუ სამუშაოები განხორციელებულია სახელმწიფო შესყიდვების შესახებ კანონის შესაბამისად

პრეტენდენტის ხელმოწერა -----

ბ.ა

/ხელმოწერის სახელი, გვარი/

რ ე კ ვ ი ზ ი ტ ე ბ ი

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

ანგარიშის ნომერი:

პრეტენდენტის ხელმოწერა -----

ბ.ა

/ხელმოწერის სახელი, გვარი/

**ინფორმაცია შესრულებული სამუშაოების საგარანტიო ვადებისა
და პირობების შესახებ**

ჩვენს მიერ შესრულებულ სამუშაოებზე, სამუშაოებისას გამოყენებულ სამშენებლო მასალებზე და დანადგარებზე შენობის ნორმალური ექსპლუატაციის პირობებში მიღება-ჩაბარების აქტის გაფრმებიდან ვავრცელებთ გარანტიას:

1. კონსტრუქციულ სამუშაოებზე - არანაკლებ ---- კალენდარული წლის ვადით;
2. საინჟინრო სამუშაოებზე - არანაკლებ ----- კალენდარული წლის ვადით;
3. შიდა სარემონტო სამუშაოებზე - არანაკლებ ----- კალენდარული წლის ვადით.

ამ ვადაში გამოვლენილ ნებისმიერ ნაკლს/დეფექტს აღმოვფხვრით საკუთარი ხარჯით.

პრეტენდენტის ხელმოწერა -----

ბ.ა

/ხელმომწერის სახელი, გვარი/